

PENGENDORSAN

Disertakan bersama dan menjadi sebahagian daripada Polisi Induk untuk **Insurans Pengurangan Tempoh Gadai Janji dengan Manfaat Khairat Kematian 2024, No. Polisi Induk MRTAFB24** (selepas ini dirujuk sebagai “Polisi Induk”).

Meskipun terdapat apa-apa yang bertentangan dengan kandungan dalam Polisi Induk yang dinyatakan di atas, adalah dengan ini difahami dan dipersetujui bahawa efektif dari 1 Julai 2025, klausa-klausa di bawah akan dipinda:

Peruntukan am

29. Pengecualian Sekatan

- 29.1 Sekiranya kami menyedari bahawa anda, orang yang diinsuranskan, atau mana-mana orang yang dinamakan dalam sijil insurans telah tertakluk kepada sebarang undang-undang dan/atau peraturan (termasuk tetapi tidak terhad kepada Resolusi Majlis Keselamatan Pertubuhan Bangsa-Bangsa Bersatu (UNSCR) dan sekatan senarai domestik perdagangan atau ekonomi) yang ditadbir oleh mana-mana pihak berkuasa yang mengawalselia atau agensi penguatkuasaan undang-undang di mana-mana negara yang melarang kami daripada memberikan perlindungan insurans atau manfaat-manfaat, anda, orang yang diinsuranskan, mana-mana orang yang dinamakan dalam sijil insurans dan/atau mana-mana orang yang berlayak untuk menerima manfaat di bawah sijil insurans bersetuju bahawa kami boleh menangguhkan, menamatkan atau membatalkan perlindungan insurans di bawah sijil insurans dan menghentikan semua transaksi dengan anda, orang yang diinsuranskan, atau mana-mana orang yang dinamakan berkaitan dengan sijil insurans tersebut. Dalam sebarang keadaan-keadaan ini, kami tidak akan dianggap memberikan perlindungan dan/atau bertanggungjawab untuk membayar sebarang tuntutan, manfaat dan pembayaran balik yang lain termasuk penerimaan bayaran premium di bawah sijil insurans atau cadangan yang dikemukakan, yang mana berkenaan.

Tiada perubahan lain dibuat atas peruntukan-peruntukan dan syarat-syarat di dalam Polisi Induk ini.



SUN LIFE MALAYSIA ASSURANCE BERHAD

POLISI INDUK

**INSURANS PENGURANGAN TEMPOH GADAI JANJI
DENGAN MANFAAT KHAIRAT KEMATIAN 2024**

KANDUNGAN

<u>Bahagian</u>	<u>Tajuk</u>	<u>Muka surat</u>
Lampiran MRTA001	Jadual polisi induk	4
Lampiran MRTA002	Peruntukan am	5
Lampiran MRTA003	Peruntukan manfaat – Manfaat kematian	13
Lampiran MRTA004	Peruntukan manfaat – Manfaat hilang upaya menyeluruh dan kekal (TPD)	14
Lampiran MRTA005	Peruntukan manfaat – Manfaat penyakit terminal (membawa maut)	17
Lampiran MRTA006	Peruntukan manfaat – Manfaat khairat kematian	19
Lampiran MRTA007	Peruntukan manfaat – Manfaat dana kecemasan	20
Lampiran MRTA008	Formula bagi jumlah yang diinsuranskan yang berkurangan	21

LAMPIRAN MRTA002

Peruntukan am

1. Takrifan

- 1.1 Di dalam polisi ini, perkataan-perkataan dan frasa-frasa berikut membawa maksud yang diberikan di sebelahnya:
- (a) **Anda** bermaksud pemilik polisi induk seperti yang tertera di dalam jadual polisi induk.
 - (b) **Jumlah yang diinsuranskan yang berkurangan** bermaksud jumlah yang diinsuranskan yang telah ditentukan, yang berkurang secara bulanan. Jumlah yang diinsuranskan yang berkurangan pada akhir setiap tahun adalah seperti di jadual pengurangan jumlah yang diinsuranskan bagi sijil insurans individu. Jumlah yang diinsuranskan yang berkurangan bagi setiap bulan akan ditentukan berdasarkan formula yang disediakan di bawah Lampiran MRTA008.
 - (c) **Jumlah yang diinsuranskan yang berkurangan untuk manfaat kematian** bermaksud manfaat yang perlu dibayar apabila berlaku kematian ke atas orang yang diinsuranskan. Kami akan menentukan jumlah tersebut berdasarkan formula yang dinyatakan dalam Lampiran MRTA008.
 - (d) **Jumlah yang diinsuranskan yang berkurangan untuk manfaat hilang upaya menyeluruh dan kekal (TPD)** bermaksud manfaat yang perlu dibayar apabila berlaku TPD ke atas orang yang diinsuranskan. Ia adalah bersamaan dengan jumlah yang diinsuranskan yang berkurangan untuk manfaat kematian atau jumlah permulaan TPD yang diinsuranskan (seperti yang tertera di dalam sijil insurans), yang mana lebih rendah.
 - (e) **Jumlah yang diinsuranskan yang berkurangan untuk manfaat penyakit terminal (membawa maut)** bermaksud manfaat yang perlu dibayar apabila berlaku penyakit terminal (membawa maut) ke atas orang yang diinsuranskan. Ia adalah bersamaan dengan jumlah yang diinsuranskan yang berkurangan untuk manfaat kematian seperti yang tertera di dalam sijil insurans.
 - (f) **Kami** bermaksud Sun Life Malaysia Assurance Berhad.
 - (g) **Keadaan sedia ada** bermaksud sebarang kecederaan, penyakit, keadaan atau gejala yang wujud sebelum tarikh cadangan ditandatangani, yang mana:
 - (i) rawatan, perubatan, nasihat atau diagnosis telah pun didapatkan atau diterima;
 - (ii) seseorang yang biasa dan waras yang mengalami kecederaan, penyakit, keadaan atau gejala seharusnya telah mendapatkan nasihat ataupun rawatan yang sepatutnya untuk kesihatannya; atau
 - (iii) kewujudannya telah diketahui oleh orang yang diinsuranskan, sama ada atau tidak, rawatan, perubatan, nasihat atau diagnosis didapatkan atau diterima.
 - (h) **Kepentingan insurans yang dibenarkan** bermaksud kepentingan ekonomi atau kewangan pemilik polisi induk dalam perlindungan pelanggan yang berhutang kepada pemilik polisi induk dengan memperoleh skim pinjaman pemilik polisi induk.
 - (i) **Orang yang diinsuranskan** atau **pemilik sijil** bermaksud seseorang yang diberikan perlindungan insurans oleh kami di bawah polisi induk ini sebagaimana yang dinamakan dalam sijil insurans.

- (j) **Pengendorsan** bermaksud bukti bertulis mengenai sebarang pindaan, perubahan atau penukaran yang dibuat ke atas polisi dan sijil insurans.
- (k) **Premium** bermaksud amaun modal premium yang perlu dibayar oleh orang yang diinsuranskan seperti yang tertera di dalam sijil insurans.
- (l) **Sijil insurans** bermaksud sijil individu yang dikeluarkan kepada setiap orang yang diinsuranskan sebagai bukti perlindungan insurans.
- (m) **Tarikh permulaan sijil** bermaksud tarikh sijil bermula seperti yang tertera di dalam sijil insurans. Tarikh ini adalah tarikh yang mana perlindungan bermula.
- (n) **Tarikh manfaat tamat** bermaksud tarikh akhir bagi perlindungan insurans seperti yang dinyatakan di dalam sijil insurans.
- (o) **Ulang tahun bulanan** bermaksud tarikh pada mana-mana bulan kalendar berikutnya yang mempunyai hari yang sepadan dengan hari dalam tarikh permulaan. Sekiranya tidak ada tarikh dalam bulan kalendar yang berikutnya yang mempunyai hari yang sepadan dengan hari dalam tarikh permulaan, ulang tahun bulanan adalah hari terakhir dalam bulan kalendar yang berikutnya.
- (p) **Ulang tahun sijil** bermaksud ulang tahun setiap tahun tarikh permulaan sijil.

2. Interpretasi

- 2.1 Di dalam polisi ini, kecuali konteks memerlukan sebaliknya:
 - (a) tajuk di dalam polisi ini dimasukkan untuk kemudahan sahaja dan tidak memberi kesan ke atas pembentukannya;
 - (b) perkataan tunggal hendaklah merangkumi perkataan majmuk dan sebaliknya; dan
 - (c) perkataan yang merujuk kepada jantina hendaklah merangkumi semua jantina.
- 2.2 Jika terdapat mana-mana peruntukan di dalam polisi ini tidak sah atau tidak boleh dikuatkuasakan di bawah undang-undang Malaysia, ia tidak akan menjejaskan kesahan, kesahihan atau kebolehuatkuasaan peruntukan lain.

3. Polisi induk

- 3.1 Polisi ini dikeluarkan setelah mempertimbangkan borang cadangan bagi orang yang diinsuranskan dan pembayaran premium seperti yang tertera di dalam sijil insurans dan adalah bergantung kepada:
 - (a) jawapan yang diberikan oleh orang yang diinsuranskan dalam borang cadangan atau sebarang soal selidik berikutnya yang kami berikan atas apa-apa perkara berkaitan dengan cadangan dan sebarang pendedahan yang dibuat oleh orang yang diinsuranskan di antara waktu pengemukaan cadangan dan waktu sijil insurans dibuat; dan
 - (b) laporan perubatan dan sebarang laporan dan soal selidik yang lain;

(secara kolektif dirujuk sebagai 'maklumat penting')

dan maklumat penting tersebut akan menjadi sebahagian daripada polisi induk antara kami dengan anda dan/atau orang yang diinsuranskan. Walau bagaimanapun, sekiranya terdapat apa-apa salah nyataan prakontrak yang berkaitan dengan maklumat penting telah dibuat, hanya remedi di bawah Jadual 9 dalam Akta Perkhidmatan Kewangan 2013 akan dikenakan.

- 3.2 Jika kami memerlukan orang yang diinsuranskan, sebelum sijil insurans diubah, untuk menjawab sebarang soalan atau jika dia dikehendaki untuk mengesahkan atau meminda apa-apa perkara berkaitan sijil insurans yang sebelum ini dia dedahkan kepada kami, ia adalah tanggungjawab orang yang diinsuranskan untuk mengambil penjaminan munasabah supaya tidak membuat salah nyataan semasa menjawab soalan-soalan atau mengesahkan atau meminda apa-apa perkara yang didedahkan sebelum ini.
- 3.3 Orang yang diinsuranskan mesti memaklumkan kami sebarang perubahan berkaitan dengan maklumat yang telah diberikan kepada kami dalam jawapan atau sebarang perkara yang sebelum ini didedahkan kepada kami berhubung dengan sijil insurans jika perubahan tersebut telah berlaku selepas orang yang diinsuranskan mengemukakan cadangan bagi perubahan tetapi sebelum sijil insurans diubah.

4. Bukti kepentingan insurans yang dibenarkan

- 4.1 Kami memerlukan bukti kepentingan insurans yang dibenarkan yang memuaskan di antara pelanggan dan pemilik polisi induk yang telah memberikan kemudahan pinjaman sebelum pelanggan diterima untuk perlindungan insurans.
- 4.2 Jika pemilik polisi induk tidak lagi mempunyai sebarang kepentingan dalam orang yang diinsuranskan, semua hak-hak dan hak-hak istimewa perlindungan insurans akan dipindahkan kepada orang yang diinsuranskan secara automatik.

5. Kelayakan

- 5.1 Orang yang layak untuk polisi ini adalah pemohon pinjaman hartanah bagi pemilik polisi induk seperti yang tertera di dalam jadual polisi induk.
- 5.2 Ahli-ahli yang layak bagi pemilik polisi induk perlu melengkapkan borang cadangan yang akan dikemukakan kepada kami. Kami boleh menerima atau menolak sebarang cadangan tertakluk kepada syarat-syarat pengunderaitan.

6. Tempoh perlindungan

- 6.1 Perlindungan insurans bagi setiap orang yang diinsuranskan akan bermula pada tarikh permulaan sijil seperti tertera di dalam sijil insurans.

7. Tempoh semakan percuma

- 7.1 Sekiranya orang yang diinsuranskan membuat keputusan untuk tidak mengambil perlindungan insurans atas apa jua sebab selepas ia telah dikeluarkan, orang yang diinsuranskan boleh membatalkan sijil insurans dengan memberi notis bertulis kepada kami, dalam masa 15 hari dari tarikh penghantaran sijil, tertakluk kepada persetujuan pemilik polisi induk.
- 7.2 Kami akan membayar balik premium yang telah dibayar (jika ada) tanpa faedah ditolak sebarang perbelanjaan yang telah kami bayar untuk pemeriksaan perubatan.

8. Salah nyata umur dan/atau jantina

- 8.1 Sijil dikeluarkan untuk orang yang diinsuranskan seperti yang tertera di dalam sijil insurans, berdasarkan tarikh lahir dan jantina yang diberikan semasa cadangan. Kami perlu mendapatkan bukti umur dan jantina orang yang diinsuranskan sebelum kami membayar sebarang manfaat.
- 8.2 Jika umur dan/atau jantina orang yang diinsuranskan yang dinyatakan adalah tidak betul, kami akan membuat penyelarasan berdasarkan berikut:
 - (a) Jika premium yang berdasarkan umur sebenar dan/atau jantina orang yang diinsuranskan adalah lebih tinggi berbanding dengan premium yang telah dibayar, manfaat mungkin dibayar secara pro rata berdasarkan nisbah premium yang telah dibayar terhadap premium yang berdasarkan umur sebenar dan jantina orang yang diinsuranskan yang betul. Tarikh manfaat tamat seperti yang tertera dalam sijil insurans akan diselaraskan berdasarkan umur yang betul, jika berkenaan; atau
 - (b) Jika premium yang berdasarkan umur sebenar dan/atau jantina orang yang diinsuranskan adalah lebih rendah berbanding dengan premium yang telah dibayar, kami akan mengembalikan perbezaannya. Tarikh manfaat tamat seperti yang tertera dalam sijil insurans akan diselaraskan berdasarkan umur yang betul, jika berkenaan.

9. Perihal tidak boleh dipertikaikan

- 9.1 Jika sijil insurans tidak lagi sah, atas sebab selain daripada penipuan, kami akan membayar balik premium yang telah dibayar (jika ada) dari tarikh permulaan sijil.
- 9.2 Kami tidak boleh mempertikaikan sijil selepas ia telah berkuatkuasa selama 2 tahun dari tarikh sijil dikeluarkan, kecuali terdapat bukti penipuan.

10. Pindaan kepada polisi induk

- 10.1 Kami berhak meminda terma-terma dan peruntukan-peruntukan polisi ini bertujuan untuk mematuhi undang-undang dan peraturan-peraturan Malaysia. Kami akan memberi notis bertulis terlebih dahulu melalui pos biasa ke alamat terakhir anda yang diketahui dalam rekod kami atau kaedah alternatif komunikasi yang lain.
- 10.2 Permintaan orang yang diinsuranskan untuk sebarang perubahan atau pengendorsan kepada polisi ini tidak akan sah kecuali jika kami benarkan dan kelulusan tersebut hendaklah diendorskan di bawah sijil insurans.

11. Kemampuan untuk melakukan perjalanan dan sebarang sekatan ke atas lokasi tempat kediaman orang yang diinsuranskan

- 11.1 Polisi ini tidak menyekat orang yang diinsuranskan daripada melakukan sebarang perjalanan dan tidak terjejas oleh lokasi tempat tinggalnya.

12. Undang-undang

- 12.1 Polisi ini dan tanggungjawab kami di bawah polisi ini adalah tertakluk kepada undang-undang, syarat-syarat, peraturan-peraturan yang sedang berkuatkuasa di Malaysia. Undang-undang,

syarat-syarat dan peraturan-peraturan akan meliputi tetapi tidak terhad kepada mana-mana pekeliling, arahan atau garis panduan.

- 12.2 Sekiranya terdapat perbezaan antara peruntukan-peruntukan polisi ini dengan mana-mana undang-undang, syarat-syarat atau peraturan-peraturan, undang-undang, syarat-syarat atau peraturan-peraturan tersebut akan dikuatkuasakan.
- 12.3 Polisi ini akan tertakluk kepada undang-undang Malaysia. Sebarang pertikaian akan diuruskan oleh mahkamah Malaysia.

13. Hak dan kegunaan amaun yang terhutang

- 13.1 Kami mempunyai keutamaan atas sebarang amaun terhutang di bawah sijil insurans.
- 13.2 Kami boleh menggunakan sebarang amaun yang kami terhutang kepada orang yang diinsuranskan di bawah sijil insurans (sebagai contoh: manfaat) untuk membayar balik sebarang amaun yang anda terhutang kepada kami di bawah sijil insurans (sebagai contoh: premium).

14. Nilai serahan

- 14.1 Sijil insurans akan memperoleh nilai serahan tolak sebarang amaun tertunggak apabila sijil insurans diserahkan.

15. Penyerahan

- 15.1 Sekiranya kemudahan pinjaman dilaksanakan lebih awal, orang yang diinsuranskan boleh, pada bila-bila masa semasa hayat orang yang diinsuranskan dan semasa sijil insurans berkuatkuasa, menyerahkan sijil insurans dengan memberi notis bertulis kepada kami, tertakluk kepada persetujuan pemilik polisi induk. Semua manfaat dan hak di bawah sijil insurans akan tamat. Nilai penyerahan yang kami akan bayar kepada orang yang diinsuranskan semasa serahan sijil insurans mungkin akan berkurangan daripada jumlah sebenar premium yang telah dibayar.
- 15.2 Klausula 7 akan dikuatkuasa jika orang yang diinsuranskan menyerahkan sijil insurans dalam tempoh semakan percuma.

16. Penyerahan hak

- 16.1 Manfaat-manfaat yang diperuntukkan di bawah polisi ini, jika ada, tidak boleh diserahkan.

17. Hak milik

- 17.1 Anda adalah pemilik sah polisi ini.
- 17.2 Anda boleh menggunakan semua hak dan pilihan yang disediakan oleh polisi ini (bergantung kepada hak sebarang penama).

18. Penama

- 18.1 Pemilik sijil yang telah mencapai umur 16 tahun boleh menamakan di dalam borang penamaan kami, penama (penama-penama) untuk menerima wang yang patut dibayar ke atas kematian pemilik sijil di bawah sijil insurans. Penamaan boleh dibuat semasa pendaftaran sijil insurans atau pada bila-bila masa selepas sijil insurans dikeluarkan. Borang penamaan boleh dimuat turun dari laman web kami.
- 18.2 Penama yang dinamakan di dalam borang penamaan atau sebarang pindaan yang pemilik sijil buat pada masa hadapan akan menerima wang yang patut dibayar ke atas kematian pemilik sijil di bawah sijil insurans mengikut Akta Perkhidmatan Kewangan 2013 atau Undang-undang Pusaka Islam (Faraid), yang mana berkenaan. Pemilik sijil boleh membatalkan atau menukar penama pada bila-bila masa dengan memberi notis bertulis kepada kami. Notis bertulis hendaklah kami terima dan daftarkan semasa hayat pemilik sijil. Pembatalan dan pertukaran penama akan berkuatkuasa dari tarikh kami menerima notis bertulis itu.

19. Notis tuntutan

- 19.1 Anda atau wakil sah anda mestilah memberi notis bertulis mengenai tuntutan di ibu pejabat kami dalam masa 30 hari dari tarikh kejadian yang diinsuranskan berlaku.

20. Bukti tuntutan

- 20.1 Bukti tuntutan yang memuaskan perlu diberikan kepada kami dalam tempoh 30 hari dari tarikh pemberian notis tuntutan kepada kami atas perbelanjaan anda atau wakil sah anda.
- 20.2 Kami berhak untuk meminta sebarang dokumen tambahan lain sekiranya perlu untuk menyokong tuntutan.
- 20.3 Kami berhak untuk meminta orang yang diinsuranskan untuk menjalani pemeriksaan perubatan pada bila-bila masa oleh pemeriksa yang berkeelayakan dari segi undang-undang yang kami lantik, atas perbelanjaan kami, untuk menyokong tuntutan.

21. Bayaran manfaat

- 21.1 Selepas menerima dan meluluskan bukti tuntutan orang yang diinsuranskan, kami akan membayar anda amaun pinjaman tertunggak sebenar yang ditanggung oleh orang yang diinsuranskan atau jumlah yang diinsuranskan yang berkurangan, yang mana lebih rendah.
- 21.2 Sijil insurans akan ditamatkan selepas pembayaran di atas.
- 21.3 Jika amaun pinjaman tertunggak sebenar adalah kurang daripada jumlah yang diinsuranskan yang berkurangan, baki apa-apa manfaat yang perlu dibayar akan dibayar kepada orang yang diinsuranskan, jika masih hidup; atau sebaliknya kepada penama yang dinamakan oleh orang yang diinsuranskan.
- 21.4 Sekiranya tiada penama, manfaat-manfaat yang belum dibayar akan dibayar kepada pihak penuntut yang sah.

22. Rekod

- 22.1 Anda perlu mengemukakan secara berkala kepada kami, maklumat berkaitan dengan orang yang diinsuranskan yang baru dan penamatan perlindungan orang yang diinsuranskan yang diperlukan oleh kami untuk mengurus insurans. Anda akan mengemukakan kepada kami umur, pekerjaan, jantina dan data lain yang berkaitan mengenai orang yang diinsuranskan yang mana mungkin dianggap berkaitan untuk mengurus insurans tersebut dan untuk menentukan kadar premium apabila diminta oleh kami.

23. Penamatan

- 23.1 Anda atau kami boleh menamatkan polisi ini dengan memberi 90 hari notis bertulis. Walau bagaimanapun, perlindungan untuk setiap orang yang diinsuranskan akan berterusan sehingga tarikh manfaat tamat sijil seperti yang tertera di dalam sijil insurans orang yang diinsuranskan masing-masing.
- 23.2 Sijil insurans akan tamat apabila berlaku mana-mana kejadian berikut:
- (a) Pada tarikh kami meluluskan dan membayar manfaat kematian atau penyakit terminal (membawa maut) orang yang diinsuranskan seperti yang tertera dalam peruntukan-peruntukan manfaat di dalam Lampiran MRTA003 dan Lampiran MRTA005 polisi ini;
 - (b) Pada tarikh kami meluluskan dan membayar manfaat TPD orang yang diinsuranskan seperti yang tertera dalam peruntukan-peruntukan manfaat di dalam Lampiran MRTA004, jika amaun manfaat TPD yang perlu dibayar adalah bersamaan dengan manfaat kematian. Walau bagaimanapun, sekiranya manfaat TPD yang perlu dibayar adalah lebih rendah berbanding dengan manfaat kematian, perlindungan insurans ke atas manfaat kematian akan diteruskan. Kami akan menolak jumlah yang diinsuranskan yang berkurangan untuk manfaat kematian dengan manfaat TPD yang perlu dibayar bagi semua tempoh masa hadapan;
 - (c) Pada akhir tempoh sijil seperti yang tertera di dalam sijil insurans;
 - (d) Setelah sijil insurans diserahkan; atau
 - (e) Setelah sijil insurans dibatalkan.

24. Mengingkari peruntukan-peruntukan

- 24.1 Jika sesiapa yang terlibat dengan polisi ini mengetahui tentang, atau membenarkan sesiapa mengingkari mana-mana peruntukan polisi ini, ia tidak bermakna peruntukan tersebut tidak boleh dikuatkuasakan pada masa hadapan.
- 24.2 Tanpa mengambilkira peruntukan ini, anda dan kami boleh melaksanakan hak di bawah polisi ini dan memastikan kedua-dua pihak mematuhi semua peruntukan yang ada.

25. Cukai

- 25.1 Semua cukai, termasuk tetapi tidak terhad kepada sebarang cukai barangan dan perkhidmatan, dan/atau lain-lain bentuk cukai jualan atau kepenggunaan, sama ada yang berkuatkuasa pada masa ini atau dilaksanakan selepas tarikh sijil insurans akan dikenakan mengikut undang-undang

yang berkenaan pada kadar semasa. Jika perlu, kami akan meminda terma-terma polisi induk ini untuk mengambil kira cukai-cukai sedemikian.

26. Akta Pematuhan Cukai Akaun Asing Amerika Syarikat (FATCA)

- 26.1 Sekiranya orang yang diinsuranskan mempunyai indicia Amerika Syarikat dan bersetuju memberikan maklumat, kebenaran dan/atau bantuan yang mungkin kami perlukan dari semasa ke semasa untuk membolehkan kami mematuhi Akta Pematuhan Cukai Akaun Asing Amerika Syarikat (FATCA). Permintaan ini termasuk tetapi tidak terhad sebarang laporan kepada *U.S Internal Revenue Service* (Perkhidmatan Hasil Dalam Negeri Amerika Syarikat) mengenai maklumat berkaitan dengan orang yang diinsuranskan atau waris yang berkaitan dengan sijil insurans. Sekiranya orang yang diinsuranskan gagal memberikan maklumat, kebenaran dan/atau bantuan seperti yang dinyatakan di atas, kami berhak untuk mengambil tindakan yang sepatutnya untuk mematuhi FATCA, yang mana mungkin termasuk menyerahkan laporan yang sepatutnya, menggantung sijil insurans orang yang diinsuranskan, menahan wang yang perlu dikirimkan, menamatkan sijil insurans dan memulangkan nilai tunai (jika ada) tolak sebarang keterhutangan tanpa faedah sekiranya penamatan tersebut berlaku.
- 26.2 Untuk tujuan polisi induk ini, takrifan indicia Amerika Syarikat adalah seperti yang dinyatakan oleh *U.S Internal Revenue Service* (IRS) melalui laman web mereka di www.irs.gov, atau apa-apa semakan mengenai takrifan selepas itu oleh IRS.

27. Jika polisi ini berkongsi keuntungan dengan kami

- 27.1 Polisi ini tidak mendapat sebarang faedah daripada keuntungan kami. Ia adalah polisi tanpa penyertaan.

28. Duti setem

- 28.1 Duti setem sebanyak RM10 akan ditanggung oleh kami.

LAMPIRAN MRTA003

Peruntukan manfaat – Manfaat kematian

1. Manfaat kematian

- 1.1 Tertakluk kepada peruntukan am, semasa sijil insurans berkuatkuasa, sekiranya kami menerima bukti yang memuaskan mengenai kematian orang yang diinsuranskan dan meluluskan tuntutan tersebut, kami akan membayar jumlah yang diinsuranskan yang berkurangan untuk manfaat kematian pada tarikh kematian.
- 1.2 Kami akan menolak sebarang amaun yang anda berhutang kepada kami.
- 1.3 Sijil insurans akan ditamatkan apabila berlaku kematian orang yang diinsuranskan atau pembayaran di atas.

2. Pengecualian-pengecualian

- 2.1 Kami tidak akan membayar sebarang manfaat sekiranya orang yang diinsuranskan meninggal dunia disebabkan bunuh diri (sama ada waras atau tidak waras) dalam tempoh 12 bulan dari tarikh permulaan sijil. Liabiliti kami akan terhad kepada jumlah premium yang telah dibayar tanpa faedah pada tarikh kematian.

3. Penamatan manfaat

- 3.1 Perlindungan insurans di bawah sijil ini akan tamat apabila berlaku mana-mana kejadian berikut:
 - (a) Pada tarikh kami meluluskan dan membayar manfaat kematian orang yang diinsuranskan;
 - (b) Pada tarikh kami meluluskan dan membayar manfaat TPD orang yang diinsuranskan, jika jumlah yang diinsuranskan yang berkurangan untuk manfaat TPD adalah bersamaan dengan jumlah yang diinsuranskan yang berkurangan untuk manfaat kematian;
 - (c) Pada tarikh kami meluluskan dan membayar manfaat penyakit terminal (membawa maut);
 - (d) Pada akhir tempoh sijil seperti yang tertera di dalam sijil insurans;
 - (e) Setelah sijil insurans diserahkan; atau
 - (f) Setelah sijil insurans dibatalkan.

LAMPIRAN MRTA004

Peruntukan manfaat – Manfaat hilang upaya menyeluruh dan kekal (TPD)

1. Manfaat hilang upaya menyeluruh dan kekal

- 1.1 Manfaat ini hanya akan berkuatkuasa jika orang yang diinsuranskan mengalami TPD sebagaimana ditakrifkan di bawah, semasa sijil insurans berkuatkuasa, dan TPD bermula pada atau selepas tarikh permulaan sijil.
- 1.2 Tertakluk kepada peruntukan am, semasa sijil insurans berkuatkuasa dan sebelum tarikh ulang tahun bulanan sejurus selepas hari lahir ke-65 orang yang diinsuranskan, sekiranya kami menerima bukti yang memuktamad bahawa orang yang diinsuranskan telah mengalami TPD dan meluluskan tuntutan, kami akan membayar jumlah yang diinsuranskan yang berkurangan untuk manfaat TPD pada tarikh TPD bermula.
- 1.3 Kami akan menolak sebarang amaun yang anda terutang kepada kami.
- 1.4 Jika jumlah yang diinsuranskan yang berkurangan untuk manfaat TPD adalah lebih rendah daripada jumlah yang diinsuranskan yang berkurangan untuk manfaat kematian, pada tarikh TPD bermula, manfaat TPD yang perlu dibayar akan terhad kepada jumlah yang diinsuranskan yang berkurangan untuk manfaat TPD dan perlindungan insurans atas manfaat kematian akan diteruskan. Jumlah yang diinsuranskan yang berkurangan untuk manfaat kematian sepanjang tempoh masa hadapan akan dikurangkan selaras dengan nisbah yang mana manfaat TPD yang dibayar kepada jumlah yang diinsuranskan yang berkurangan untuk manfaat kematian pada tarikh TPD bermula.
- 1.5 Jumlah agregat maksimum untuk manfaat TPD dibayar kepada setiap orang yang diinsuranskan di bawah polisi ini dan semua polisi atau sijil individu dan berkelompok yang lain yang kami keluarkan tidak akan melebihi RM8,000,000.

2. Definisi hilang upaya menyeluruh dan kekal

- 2.1 Untuk layak menuntut manfaat ini, 2 pemeriksa perubatan kami mestilah berpuas hati bahawa hilang upaya yang dialami oleh orang yang diinsuranskan telah memenuhi takrifan TPD seperti yang dinyatakan di bawah:
 - (a) Untuk orang yang diinsuranskan yang bekerja
Jika umur orang yang diinsuranskan di antara 17 dan 65 tahun, mengalami hilang upaya, iaitu hilang upaya menyeluruh dan kekal berlanjutan untuk tempoh sekurang-kurangnya 6 bulan, dan menghalang sepenuhnya orang yang diinsuranskan daripada melibatkan diri dalam apa-apa kerja, perniagaan, pekerjaan atau profesion untuk gaji atau keuntungan.
 - (b) Untuk orang yang diinsuranskan yang tidak bekerja atau tidak mengendalikan perniagaan sendiri
Jika umur orang yang diinsuranskan di antara 17 dan 65 tahun, sewaktu mengalami hilang upaya, dan tidak bekerja atau merupakan seorang suri rumah, TPD bermaksud ketidakupayaan kekal dan berterusan orang yang diinsuranskan daripada melakukan (sama ada dengan bantuan atau tanpa bantuan) sekurang-kurangnya 3 aktiviti kehidupan harian yang berikut:
 - (i) Pemindahan – duduk dan bangun dari kerusi tanpa memerlukan bantuan fizikal;

- (ii) Pergerakan – keupayaan untuk bergerak dari satu bilik ke bilik yang lain tanpa memerlukan bantuan fizikal;
- (iii) Perihal mengawal – keupayaan untuk mengawal fungsi usus dan pundi kencing secara sendirinya seperti menjaga kebersihan diri;
- (iv) Pemakaian – memakai dan menanggalkan kesemua pakaian yang perlu tanpa memerlukan bantuan orang lain;
- (v) Mandi/Membersihkan diri – keupayaan untuk membersihkan diri di tempat mandi tab atau mandi pancuran (termasuk memasuki dan keluar dari tempat mandi tab atau mandi pancuran) atau membersihkan diri dengan cara yang lain; atau
- (vi) Makan – kesemua tugas memasukkan makanan ke dalam badan apabila makanan telah disediakan.

Untuk tujuan definisi ini, “dengan bantuan” bermaksud dengan bantuan peralatan dan/atau peranti khas dan tidak berkaitan dengan bantuan manusia.

(c) Berlakunya salah satu dari berikut juga akan dianggap sebagai TPD:

- (i) Lumpuh menyeluruh dan kekal;
- (ii) Kehilangan penglihatan menyeluruh dan kekal pada kedua-dua mata;
- (iii) Kehilangan yang kekal akibat putus atau kehilangan penggunaan menyeluruh dan kekal pada dua anggota di atas pergelangan tangan atau buku lali; atau
- (iv) Kehilangan penglihatan yang menyeluruh dan kekal pada sebelah mata dan kehilangan yang kekal akibat putus atau kehilangan penggunaan menyeluruh dan kekal pada satu anggota di atas pergelangan tangan atau buku lali.

Untuk dianggap ketidakupayaan kekal, ketidakupayaan mestilah berlanjutan untuk tempoh sekurang-kurangnya 6 bulan.

3. Pengecualian-pengecualian

3.1 Kami tidak akan membayar manfaat sekiranya TPD adalah disebabkan secara langsung atau tidak langsung, atau akibat daripada yang berikut:

- (a) Mogok, rusuhan, kekacauan awam, pemberontakan, peperangan (sama ada diisytiharkan atau tidak);
- (b) Kejadian yang berlaku semasa berada di bawah pengaruh minuman keras, bahan yang memabukkan atau sebarang narkotik atau dadah;
- (c) Percubaan membunuh diri (semasa waras atau tidak waras), perbuatan tidak bermoral atau kecederaan sengaja ke atas diri sendiri (semasa waras atau tidak waras);
- (d) Memasuki, mengendalikan atau menyelenggara, naik atau turun dari atau dengan menggunakan apa-apa peranti atau pengangkutan udara melainkan ketika orang yang diinsuranskan itu berada dalam sesebuah pesawat yang dikendalikan oleh syarikat penerbangan penumpang komersial yang dalam perjalanan tetap berjadual membawa penumpang menggunakan laluan penumpangnya yang telah ditetapkan;

- (e) Terlibat dalam pelanggaran undang-undang (kecuali sebagai pihak yang tidak bersalah) atau menjadi ahli mana-mana organisasi haram;
- (f) Sindrom Kurang Daya Tahan Penyakit (AIDS) atau kompleks/keadaan yang berkaitan; atau
- (g) Keadaan sedia ada dalam tempoh 12 bulan dari tarikh permulaan sijil.

4. Penamatan manfaat

4.1 Manfaat ini akan tamat apabila berlaku mana-mana kejadian berikut:

- (a) Pada tarikh kami meluluskan dan membayar manfaat TPD orang yang diinsuranskan;
- (b) Pada tarikh kami meluluskan dan membayar manfaat kematian orang yang diinsuranskan;
- (c) Pada tarikh kami meluluskan dan membayar manfaat penyakit terminal (membawa maut);
- (d) Pada akhir tempoh sijil seperti yang tertera di dalam sijil insurans;
- (e) Setelah sijil insurans diserahkan;
- (f) Setelah sijil insurans dibatalkan; atau
- (g) Pada ulang tahun bulanan sijil insurans sejurus selepas hari lahir ke-65 orang yang diinsuranskan.

LAMPIRAN MRTA005

Peruntukan manfaat – Manfaat penyakit terminal (membawa maut)

1. Manfaat penyakit terminal (membawa maut)

- 1.1 Manfaat ini hanya akan berkuatkuasa jika orang yang diinsuranskan didiagnosis penyakit terminal (membawa maut), semasa sijil insurans berkuatkuasa, dan dijangka akan mengakibatkan kematian dalam tempoh 12 bulan, yang mana perlu untuk disahkan secara perubatan oleh panel perubatan kerajaan yang dilantik.
- 1.2 Tertakluk kepada peruntukan am, semasa sijil insurans berkuatkuasa dan sebelum tarikh ulang tahun bulanan sejurus selepas hari lahir ke-60 orang yang diinsuranskan, sekiranya kami menerima bukti yang memuaskan bahawa orang yang diinsuranskan telah didiagnosis penyakit terminal (membawa maut) dan meluluskan tuntutan, kami akan membayar jumlah yang diinsuranskan yang berkurangan.
- 1.3 Kami akan menolak sebarang amaun yang anda berhutang kepada kami.

2. Definisi penyakit terminal

- 2.1 Penyakit terminal (membawa maut) ditakrifkan sebagai diagnosis muktamad mengenai satu keadaan yang dijangka akan mengakibatkan kematian orang yang diinsuranskan dalam tempoh 12 bulan.
- 2.2 Orang yang diinsuranskan mestilah tidak lagi menerima rawatan aktif selain daripada untuk melegakan kesakitan.
- 2.3 Diagnosis ini mestilah disokong oleh pengesahan bertulis daripada pakar yang sesuai dan disahkan oleh panel pegawai perubatan kerajaan.

3. Pengecualian-pengecualian

- 3.1 Kami tidak akan membayar manfaat jika penyakit terminal (membawa maut) disebabkan secara langsung atau tidak langsung daripada penyakit (penyakit-penyakit) akibat Sindrom Kurang Daya Tahan Penyakit (AIDS), kompleks yang berkaitan AIDS atau jangkitan oleh Virus Kurang Daya Tahan Penyakit Manusia (HIV).

4. Penamatan manfaat

- 4.1 Manfaat ini akan tamat apabila berlaku mana-mana kejadian berikut:
 - (a) Pada tarikh kami meluluskan dan membayar manfaat ini kepada orang yang diinsuranskan;
 - (b) Pada tarikh kami meluluskan dan membayar manfaat kematian orang yang diinsuranskan;
 - (c) Pada tarikh kami meluluskan dan membayar manfaat TPD orang yang diinsuranskan, jika jumlah yang diinsuranskan yang berkurangan untuk manfaat TPD adalah bersamaan dengan jumlah yang diinsuranskan yang berkurangan untuk manfaat kematian;
 - (d) Pada akhir tempoh sijil seperti yang tertera di dalam sijil insurans;

- (e) Setelah sijil insurans diserahkan;
- (f) Setelah sijil insurans dibatalkan; atau
- (g) Pada ulang tahun bulanan sijil sejeurus selepas hari lahir ke-60 orang yang diinsuranskan.

LAMPIRAN MRTA006

Peruntukan manfaat – Manfaat khairat kematian

1. Manfaat khairat kematian

- 1.1 Tertakluk kepada peruntukan am, semasa sijil insurans berkuatkuasa, sekiranya kami menerima bukti yang memuaskan mengenai kematian orang yang diinsuranskan dan meluluskan tuntutan tersebut, kami akan membayar RM2,000 sebagai manfaat khairat kematian (di atas manfaat kematian).

LAMPIRAN MRTA007

Peruntukan manfaat – Manfaat dana kecemasan

1. Manfaat dana kecemasan

- 1.1 Tertakluk kepada peruntukan am, semasa sijil insurans berkuatkuasa dan sebelum tarikh ulang tahun bulanan sejurus selepas hari lahir ke-65 orang yang diinsuranskan, sekiranya kami menerima bukti yang memuaskan bahawa orang yang diinsuranskan telah mengalami TPD dan meluluskan tuntutan, kami akan membayar RM2,000 sebagai manfaat kecemasan (di atas manfaat TPD).

LAMPIRAN MRTA008

1. Formula bagi jumlah yang diinsuranskan yang berkurangan

Jumlah yang diinsuranskan yang berkurangan (RSA) dikira berdasarkan formula berikut:

$$RSA_t = ISA \quad \text{bagi } t \leq 12 \times dp$$

$$RSA_t = \frac{1 - v^{(12 \times n) - (t-1)}}{1 - v^{(12 \times pp)}} \times ISA \quad \text{bagi } t = (12 \times dp) + 1, (12 \times dp) + 2, \dots, 12 \times n$$

di mana,

ISA = jumlah permulaan yang diinsuranskan

$$v = \frac{1}{1 + \frac{i}{12}}$$

i = kadar keuntungan pinjaman

dp = tempoh penangguhan

pp = tempoh bayaran balik pinjaman

n = $dp + pp$

t = tempoh dalam bulan